


ВОДЗАЧ ЗА ЗАЩИТУ ВИБЕРАНКОВОГО ПРАВА ВИБЕРАЧОХ У ПОСТУПКУ ВИБОРА ЗА НАРОДНИХ ПОСЛАНІКОХ



РЕПУБЛИЧНА ВИБЕРАНКОВА КОМИСИЯ, 2023.



ЦО ВИБЕРАНКОВЕ ПРАВО?


Виберанкове право то право кожного полнолітнього, роботно спроможного державяна/державянки Републики Сербії же би виберал и бул вибрани/а. Виберанкове право обще и єднаке и витворює ше з особним и тайним гласаньом. Ніхто не шме уплівовац на вас як бисце гласали ані сче не длужни дакому повесц за кого сче гласали. Тото ґарантую закони, а щиза органи хтори компетентни за запровадзованє и надпатрунок роботи орґанох за запровадзованє виберанкох.

ЯК МОЖЕЦЕ ЗАЩИЦИЦ СВОЙО ВИБЕРАНКОВЕ ПРАВО?



Виберач може защициц свойо виберанкове право з подношеньом:

- вимоги за поніщованє гласаня на виберацким месце
- пригварки
- жалби.



КЕДИ ВИБЕРАЧ МОЖЕ ПОДНЕСЦ ВИМОГУ ЗА ПОНІЩОВАНЄ ГЛАСАНЯ НА ВИБЕРАЦКИМ МЕСЦЕ?



Виберач може поднєсц вимогу за поніщованє гласаня на виберацким месце на хторим гласа кед:

- виберацки одбор неосновано зопре виберача же би гласал або
- кед виберачови на виберацким месце потупене право на шлєбодне и тайне гласанє.

Ситуації у хторих, на приклад, може присц по тото же виберацки одбор зопре виберача же би гласал то: кед му виберацки одбор не дошлєбодзує же би гласал, прето же у особней легітимациї пише друге презвиско, покля шицки други податки точни (мено и ЄМЧГ – тото ше случує после пременки малженского статусу або кед виберачови не оможлївене же би гласал тайно (не гарантована му приватносц за параваном за гласанє або ше од виберачох вимага же би явно гварели за кого гласал/гласала) або кед уписане же виберач уж гласал.


ХТОРИ РОК ЗА ПОДНОШЕНЄ ВИМОГИ ЗА ПОНІЩОВАНЄ ГЛАСАНЯ НА ВИБЕРАЦКИМ МЕСЦЕ?



Рок за подношенє вимоги за поніщованє гласаня на виберацким месце **72 години од завераня виберацкого места** на хторим виберач уписани/а до виводу зоз виберацкого списку, односно на хторим гласал.

Точни час заверання виберацького места од хторого почина чечиц рок за подношенє вимоги може ше перевіриц у записніку о роботи виберацького одбору хтори ше вилочи на виберацьким месце потим як виберацьки одбор утвердзи резултати гласаня и обяви их на веб презентації Републичней виберанковей комисії.

КОМУ ШЕ ПОДНОШИ ВИМОГА ЗА ПОНІЩОВАНЄ ГЛАСАНЯ НА ВИБЕРАЦКИМ МЕСЦЕ?



Вимогу за поніщованє гласаня на виберацьким месце виберац подноши локалней виберанковей комисії (городска виберанкова комисия, општинска виберанкова комисия, виберанкова комисия городской општини). Вимога ше може поднесц особнє, на писарніци локалней виберанковей комисії або преїг пошти.



ВАЖНЕ: Кед у питаню виберацьке место у иножемстве, вимогу за поніщованє гласаня на виберацьким месце виберац подноши Републичней виберанковей комисії.

ЦО ПОТРЕБНЕ ЖЕ БИ МАЛА ВИМОГА ЗА ПОНІЩОВАНЄ ГЛАСАНЯ НА ВИБЕРАЦКИМ МЕСЦЕ?



Же би локална виберанкова комісія могла розпатрац вимогу за поніщованє гласаня на виберацким месце, вон муши мац шлїдуюци елементи:

- назву и адресу локалней виберанковой комісії;
- особни податки подношителя вимоги (мено, презвиско, ЄМЧГ, место и адресу перебувалїща, число телефона и адресу за приманє електронскей пошти виберача);
- подпис виберача;
- предмет вимоги, а окреме точне означене виберацке место (назва општини, односно городу у хторим ше находзи виберацке место и число виберацкого места) и точне описану дію зоз назначеним же хто и кеди тоти дії поробел;
- факти на хторих ше фундаментує вимога;
- докази.

У ХТОРИМ РОКУ ЛОКАЛНА ВИБЕРАНКОВА КОМІСИЯ ОДЛУЧУЄ О ВИМОГИ ЗА ПОНІЩОВАНЄ ГЛАСАНЯ НА ВИБЕРАЦКИМ МЕСЦЕ?



Локална виберанкова комісія длужна принесц рішенє по вимоги и обявиц го на веб-презентації Републичней виберанковой комісії, у Регистру пригваркох, **у року од 72 годзини од приєму вимоги.**

Локална виберанкова комісія може:

- прилапиц вимогу (кед є поднєшена благочасово, з боку овласценой особи, кед є дошлєбодзена, розумліва, подполна и основана);
- одруциц вимогу (кед є поднєшена неблагочасово, кед ю поднєсла особа хтора на тото нє ма право, кед є нєрозумліва або нєподполна и др.;
- одбиц вимогу (кед є нєоснована, нє ма докази и подобне).

ЦО КЕД ВИМОГА ЗА ПОНІЩОВАНЄ ГЛАСАНЯ НА ВИБЕРАЦКИМ МЕСЦЕ БУДЗЕ ОДРУЦЕНА АБО ОДБИТА?



Кед локална виберанкова комисија одруци або одбие вимогу за поніщованє гласаня на виберацким месце, або у предписаним року нє принєше одлуку о вимоги за поніщованє гласаня на виберацким месце, виберач ма право поднєсц пригварку Републичней виберанковой комисиї.

КЕДИ ВИБЕРАЧ МОЖЕ ПОДНЄСЦ ПРИГВАРКУ?



Виберач ма право поднєсц пригварку против принєшеной одлуки, против даяких роботох хтори зробени, як и пре препущєнє же би ше принєсла одлука, односно пороби работа у запровадзованю виберанкох, та и против:

- ришєня о менованю члена и заменїка члена Републичней виберанковой комисиї у преширеним составе;
- ришєня о менованю члена, односно заменїка члена локалней виберанковой комисиї у преширеним составе;

- рішення о менованю члена, односно замініка члена виборацького одбору у сталним составе;
- рішення о менованю члена, односно замініка члена виборацького одбору у преширеним составе;
- рішення о преглашеню виберанковой лістини кандидатох за народних посланікох;
- рішення о преглашеню кандидатох за председателя Республики;
- рішення зоз хторима ше по урядовой длужносци констатує же ше не можу утвердзиц результати гласаня на виборацьким месце на хторим виберач уписани до виводу зоз виборацького списку;
- рішення зоз хторима ше по урядовой длужносци поніщує гласанє на виборацьким месце на хторим виберач уписани до виводу зоз виборацького списку;
- рішення зоз хторима одруцена або одбита вимога виберача за поніщованє гласаня на виборацьким месце;
- собирного звіту о результатах гласаня локальной виберанковой комісії на чий території виборацьке место на хторим виберач уписани до виборацького списку;
- собирного звіту о результатах гласаня у иноземстве кед виберач уписани до виборацького списку на виборацьким месце у иноземстве;
- вкупного звіту о результатах виберанкох.

ХТОРИ РОК ЗА ПОДНОШЕНЄ ПРИГВАРКОХ?



Рок за подношенє пригваркох **72 годзини од обявйованя одлуки, односно пребераня поступку за хтори виберач дума же є неправилни**, кед зоз законом не одредзени други рок (односно рок од 48 годзини). Тот рок важи и у случаю кед у предписаним року не була принесена одлука, односно не бул превжати поступок у запровадзованю виберанкох.

КОМУ ШЕ ПОДНОШИ ПРИГВАРКА?



Пригварка ше подноши Републичней виберанковой комісії зоз непоштредним придаваньом на писарніці Републичней виберанковой комісії або по пошти, покла ше процив рішення о вимоги за поніщованє гласаня на виберацким месце пригварка подноши преїг локалней виберанковой комісії.



ВАЖНЕ: Кед пригварка поднєшена локалней виберанковой комісії, вона ю длужна прияц, евидентовац датум и час приєму пригварки и же би ю без одкладаня, по препорученей швидкей пошти, прешлїдзела Републичней виберанковой комісії.

ЦО ПРИГВАРКА МУШИ МАЦ?



Же би Републична виберанкова комісія могла розпатриц пригварку, вона муши мац шлїдуюци елементи:

- назву и адресу Републичней виберанковой комісії;
- особни податки о подношительови пригварки (мено, презвиско, ЄМЧГ, место и адресу перебуваня, число телефона и адресу за приєм електронскей пошти виберача);
- подпис виберача подношителя пригварки;
- предмет пригварки, а окреме точну назву одлуки зоз означеньом приношителя, датум приношеня и число под хторим заведзена одлука кед ше зоз пригварку

оспорує одлука, односно точни опис поступку зоз назначеньом хто и кеди тоту поступок превжал кед ше зоз пригварку оспорує поступок у виберанковим поступку;

- факти на котрих ше снує пригварка;
- докази.

У ХТОРИМ РОКУ РЕПУБЛИЧНА ВИБЕРАНКОВА КОМИСИЯ ОДЛУЧУЄ О ПРИГВАРКИ?



Републична виберанкова комисиия длужна принєсц рішення по пригварки и обявиц их на веб-презентації Републичней виберанковой комисиії, у Регістру пригваркох, **у року од 72 години од приєму пригварки.**

Републична виберанкова комисиия може:

- усвоїц пригварку (кед є благочасово, поднєшена з боку овласценой особи, розумліва, подполна и основана);
- одруциц пригварку (кед є неблагочасово поднєшена, кед ю поднєсла особа хтора на того не ма право, нерозумліва або неподполна и др.);
- одбиц пригварку (кед є неоснована, не ма докази и под.);

ХТОРИ ОДЛУКИ РЕПУБЛИЧНА ВИБЕРАНКОВА КОМИСИЯ ПРИНОШИ КЕД ЖЕ ШЕ УСВОЇ ПРИГВАРКА?



Кед усвої пригварку, Републична виберанкова комисиия може:

- поніщиц одлуку, односно поступок процив хторого поднєшена пригварка;
- поніщиц одлуку и принєсц другу одлуку место поніще-ней;
- кед утвердзи же ришенє зоз хторим одлучене о вимоги за поніщованє гласаня на виберацким месце треба поніщиц, мериторно одлучи о вимоги кед природа стварох то допущує и кед утвердзени факти даваю сигурну основу за тото.

КЕДИ ВИБЕРАЧ МОЖЕ ПОДНЄСЦ ЖАЛБУ?



Виберач ма право поднєсц жалбу процив ришення Републичней виберанковой комисиї зоз хторим одлучене по пригварки. Тиж, виберач ма право поднєсц жалбу и пре тото же у предписаним року не принєшена одлука о пригварки.

ХТОРИ РОК ЗА ПОДНОШЕНЄ ЖАЛБИ?



Рок за подношенє жалби **72 годзини од обявйованя** ришення Републичней виберанковой комисиї на веб-презентації, односно у року од 72 годзини од вицека рока у хторим требала буц принєшена одлука о пригварки.

КОМУ ШЕ ПОДНОШИ ЖАЛБА?



Жалба ше подноши **Управному суду**.

У ХТОРИМ РОКУ УПРАВНИ СУД ОДЛУЧУЄ О ЖАЛБИ?



Управни суд приноси одлуку по жалби **у року од 72 години** од приєму жалби зоз списками. Одлуку принєшену у поступку по жалби, Управни суд доставя виберачови преїг Републичней виберанковой комісії.

ХТОРИ ОДЛУКИ УПРАВНИ СУД ПРИНОШИ?



Кед усвої жалбу, Управни суд може:

- поніщиц одлуку принєшену у запровадзованю виберанкох, односно поступок превжати у запровадзованю виберанкох;
- поніщиц одлуку принєшену по пригварки и мериторно одлучиц по пригварки, кед природа стварох то допущує и кед утвердзени факти даваю сигурну основу за то.

Кед Управни суд усвої жалбу и поніщи одлуку принєшену у запровадзованю виберанкох, односно поступок превжати у запровадзованю виберанкох, одвитуюца одлука ше приноси, односно одвитуюци поступок ше пребера найпознейше за дзешец дні од дня кед Републична виберанова комісія при-
яла одлуку Управног суда.



ВАЖНЕ: Одлука Управног суда з хтору мериторно одлучене по пригварки у шицким заменює поніщену одлуку. Тиж, одлука принєшена у поступку по жалби правноснажна и процив нєй ше нє можу подношиц позарядово правни средства предвидзени зоз законом з хторим ше ушорює управни спор.



РЕПУБЛИЧНА ВИБЕРАНКОВА КОМИСИЈА

Краля Милана 14 11000 Београд, Сербия

T: 011/3026-000, 011/3026-100, 011/3026-200

E: rik@parlament.rs, izbori@parlament.rs

www.rik.parlament.gov.rs



Инстаграм

riksrbije



YouTube

Републична виберанкова
комисија

